

Les plus anciens documents linguistiques de la France  
Corpus : (chNCh)  
Responsable du corpus : NN  
Édition de la charte : Bernadette Gavillet.

## chNCh069

Édition critique
------------------

**1316, 21 juin.**

*Type de document:* charte: reconnaissance de fief

*Objet:* Reconnaissance par Jean de Naisey de tout ce qu'il tient ligement de Jean [II] de Montfaucon-Montbéliard à Naisey et à Amagney. Il reconnaît que suite à sa mort, ce fief sera partagé en deux entre ses héritiers qui seront les hommes-liges de Jean.

*Auteur:* Official de la cour de Besançon.

*Disposant:* Jean de Naisey.

*Sceau:* sceau de la cour de Besançon.

*Bénéficiaire:* Jean [II] de Montfaucon-Montbéliard.

*Support:* Parchemin scellé sur double queue.

*Lieu de conservation:* AEN, S3 n° 19.

*Verso:* Jehan de Naisel (XV<sup>e</sup> siècle).

## Transcription de la charte

**1** Nos, *officials* de la court de Besençon, **2** faisons savoir a touz ces qui verront *et* orront ces *presentes lettres* **3** que, *par* devant \2 nos establiz *et pour* ce venanz en droit *et* en jugement par devant nos, Jehans de Naisey, escuiers, çai en arrers \3 filz monsi Jehan de Naisey, *chevalier*, ha cognu *et confessé* en droit *par* devant nos **4** qu'il tient *et* doit tenir en fyé \4 ligemant devant touz de noble damoisel Jehan de Mombeliart, *seignour* de Monfaucon, tot qu' anqu'il ha a \5 Naisey, en quelque chose que ce soit, en heritaige, c'est assavoir: **5** lo fyé que Othenins de Naisey, ses niés, tient \6 de lui; **6** item, ce que li enfant monsi Vautier de Goncens tienent de lui; **7** item, lo fyé Jehan de Laviron; **8** item, \7 lo fyé Damaute, de Landrace, qui fu fame Broquart; **9** item, ce que li clerz d-Athalans tient a Naisey dou \8 dit Jehan de Naisey; **10** item, lo fyé que Otheniauz, ses oncles, tient de lui; **11** item, lo fyé Hugue, fil Thomas; **12** item, lo fyé \9 que Perrins li Laichauz tient dou dit Jehan de Naisey; **13** item, lo fyé Renaut au fil Thiebaut, de Naisey, que li diz sires de \10 Monfaucon a doné au dit Jehan, **14** et tot ce que li diz Jehans peut *et* doit avoir a Naisey *et* ou finaige en \11 heritaige, soit en prez, en champs *et* en totes autres choses, sauf *et* retenu au dit Jehan les Plainches d-Ausarne \12 qu'il tient en fyé de monsi Thiebaut de Varre. **15** Et la requenoissance de ce fyé ha fait li diz Jehans au dit \13 *seignour* de Monfaucon *pour* raison de ce que li diz sires de Monfaucon li ha doné lo fyé Renaut au fil Thiebaut, \14 dessus dit, *et* une piece de vigne assise a Amaignees, delez la planté dou dit *seignour* de Monfaucon *par devers* \15 Roulans, *et* pooir d'aquerir doux jornalx de terre a Esmaignees *et* ou finaige, sus fiez, sus rerefiez, sus \16 franz ou sus taillables, **16** la quel vigne *et* les doux jornalx de terre, se li dit Jehans les acquiert, il tient \17 *et* doit

tenir dou dit seignour de Monfaucon en fyé ligement devant touz  
avec l-autre fyé dessus dit. **17** Et a \18 encor recognu li diz Jehan que  
se après son decex sui hoir se departoient li uns de l-autre, que cilz  
fyez \19 seroit devis en doues parties et seroient les doues parties  
qui seroient hoir dou dit Jehan en l-omaige \20 dou dit seignour de  
Monfaucon ligement pour raison dou fyé dessus dit que li diz sires  
de Monfaucon li ha doné. **18** \21 Et ces choses dessus dites ha  
recognu li diz Jehans de Naisey en droit par devant nos estre vraies  
en \22 la-meniere qu'il est dessus devisé, et les ha promis a tenir et  
garder fermement par sa foy donee corporelment \23 sus sainz  
evvangiles toichies et a non venir ne faire venir encontre. **19** En  
tesmoignaige de la quel chose, nos, \24 a la requeste dou dit Jehan  
de Naisey, avons mis en ces presentes lettres lo seel de nostre court  
de Besençon. **20** \25 Ce fu fait et doné lo lundi devant la Nativité  
saint Jehan Baptiste, l-an de grace corrant par mil ·CCC. et \26  
sauze.